



柳诒徵文集

柳诒徵 著
杨共乐 张昭军 主编

第三卷



商務印書館
The Commercial Press

杨共乐 张昭军 主编

柳诒徵文集

卷 三

柳诒徵 著

罗炳良 向燕南 整理



创于1897

商务印书馆

The Commercial Press

2018年·北京



东亚各国史 / 1

第一编 朝鲜史 / 3

- 第一章 朝鲜立国之始 / 3
- 第二章 卫氏之兴亡 / 6
- 第三章 朝鲜诸部及汉之郡县 / 8
- 第四章 三国之鼎立 / 14
- 第五章 二国之亡及新罗之统一(附渤海) / 20
- 第六章 三国之政俗 / 31
- 第七章 高丽始末 / 41
- 第八章 高丽之政俗 / 54
- 第九章 朝鲜之兴亡 / 65
- 第十章 朝鲜之政俗 / 79

第二编 日本史 / 99

- 第一章 古代倭人之开化 / 99
- 第二章 日本中古期之大事 / 111
- 第三章 唐日之交 / 124
- 第四章 古代之政俗 / 129
- 第五章 中世之衰乱及元明兵事 / 139
- 第六章 德川幕府 / 149
- 第七章 中世之政俗 / 156

第八章 明治维新 / 172

第九章 中日之关系 / 178

第十章 近世之政俗 / 196

第三编 南方诸国 / 217

第一章 安南之沿革 / 217

第二章 诸氏之兴衰 / 230

第三章 黎氏之兴衰 / 239

第四章 法之保护越南 / 248

第五章 老挝及柬埔寨 / 259

第六章 安南历代之政俗 / 266

第七章 暹罗之略史 / 275

第八章 暹罗之政俗 / 282

第九章 缅甸与中国之关系 / 291

第十章 英灭缅甸及中英交涉 / 298

第十一章 马来半岛之略史（附北婆罗洲） / 306

第十二章 荷属东印度群岛之略史 / 323

第十三章 斐律宾群岛略史 / 341

中央大学国学图书馆小史 / 353

插图 / 355

第一章 缘起 / 363

第二章 沿革 / 371

第三章 环境 / 377

第四章 图书上（丁氏书） / 387

第五章 图书下（范氏书 宋氏书 官书 书画 名人手札
档册 板片） / 403

第六章 目录 / 409

第七章 人物 / 414

第八章 经用 / 428

第九章 规制 / 433

江苏省立国学图书馆概况 / 449

插 图 / 451

国学要语 / 455

沿 革 / 456

建筑与设备 / 456

组 织 / 458

经 费 / 459

藏书统计 / 462

目录编纂 / 465

阅览统计 / 466

传钞统计 / 467

印行统计 / 468

进行计划 / 469

江苏省立国学图书馆章程 / 470

附 录 / 485

中国版本略说 / 489

东亚各国史

第一编 朝鲜史

第一章 朝鲜立国之始

朝鲜为我国东北半岛，其开辟之始不可考。近人谓即中国唐、虞、三代时东北九夷之一。

韩人金泽荣《韩国小史》：“朝鲜者，中国唐、虞、三代时东北九夷之一也。”《后汉书·东夷传》：“夷有九种：曰畎夷、于夷、方夷、黄夷、白夷、赤夷、玄夷、风夷、阳夷。”

其名始见于《山海经》。

《山海经·海内北经》：“朝鲜在列阳东，海北，山南。列阳属燕。”

亦不详其何义。

《史记·朝鲜列传》：《集解》张晏曰：“朝鲜有湿水、洌水、汕水三水，合为洌水。疑乐浪朝鲜取名于此也。”《索隐》案：“朝音潮，直骄反。鲜音仙。以有汕水，故名也。汕一音讪。”（案：张晏说，殊未明了。司马贞之说，尤为望文生义。）

相传古有檀君，尝都平壤。以其地受朝日光鲜，故以朝鲜为国号。亦附会之

说也。

高丽释无亟《古记》：“檀君生于太白山（今平安道妙香山）檀树之下，以檀为姓。娶非西岬之女为妻。国人以檀君明智出众，相与奉以为君。（时为戊辰年，即中国唐尧二十五年。）檀君乃都于平壤，以本邦之地先受朝日光鲜，以朝鲜为国号。授民编发、盖首、饮食、居处之制。檀君既老，移居阿斯达山（今黄海道文化县九月山）以没。子夫娄，当中国夏禹氏之世，尝朝于涂山。子孙相传，凡享国一千七百年。”

朝鲜之开化，实始于箕子。吾国诸书及韩人所自为史，皆云箕子避地朝鲜，施八条之约。

《汉书·地理志》：“殷道衰，箕子去之朝鲜。（师古曰：‘《史记》云：“武王伐纣，封箕子于朝鲜”，与此不同。’）教其民以礼义，田蚕织作。乐浪朝鲜民犯禁八条。（师古曰：‘八条不具见。’）相杀以当时偿杀，相伤以谷偿，相盗者男没入为其家奴，女子为婢。欲自偿者，人五十万。虽免为民，俗犹羞之。”

《韩国小史》：“箕子，纣诸父，事纣为太师。殷亡，义不臣仆于周，东走朝鲜。殷人从之者盖五千，诗、书、礼乐、阴阳、卜筮，以及百工之技艺皆具，至于平壤以居。檀氏之遗民知箕子有圣德，相与尊奉之。箕子见其民俗强悍，以柳木性柔，令民家悉种柳（平壤或曰柳京），教之以礼义。画井田以示田蚕产业之方（今平壤尚有井田遗画），施禁八条，民服其化。”

《韩史》谓其率众五千而往，足补吾史之阙。以殷室之遗民，开东方之大国，虽其后国统屡迁，而子姓之苗裔，必散布于朝鲜各地。故其人种秀发，好礼而尚文，世服中夏之文化也。

箕子居朝鲜，享国若干年，传祚几世，吾国诸书不之纪。惟《汉书》及《魏略》载箕氏后世之事，亦不详备。

《后汉书·东夷传》：“昔武王封箕子于朝鲜，……其后四十余世，至朝鲜侯準，自称王。汉初大乱，燕人卫满击破準而自王。”

《魏略》：“昔箕子之后朝鲜侯见周衰，燕自尊为王，欲来略地。朝鲜侯亦自称为王，欲兴兵逆击燕，以尊周室。其大夫礼谏之，乃止。使礼西说燕，燕止之不攻。后子孙稍骄虐，燕乃遣将秦开攻其西方，取地二千余里，至满潘汗为界，朝鲜遂弱。及秦并天下，使蒙恬筑长城到辽东。时朝鲜王否立，畏秦袭之，略服属秦，不肯朝会。否死，其子準立。二十余年，而陈、项起。”

韩史谓箕子之后，有鲜于氏、韩氏、奇氏。当李朝中世，箕子裔幸州奇氏，掘地得石函。函有鲜于氏所述《先王遗事记》一书，载箕子以后五十王之统系、事实。世或以为伪托，以其所纪之事，自箕否、箕準外，他皆无可考证也。

箕氏有国时，疆域不可考。《魏略》谓燕与朝鲜以满潘汗为界，而《山海经》谓列阳属燕。盖自今奉天开原以南，至朝鲜临津江以北，燕之障塞往往与朝鲜犬牙相错。

满潘汗，据丁若镛《朝鲜疆域考》，谓即《汉书·地理志》辽东郡之番汗县。杨守敬《汉地理图注》：番汗于昌图之南，开原之北。

列阳，郭璞谓即带方郡列口县。杨图列水，即临津江。

至秦、汉时，朝鲜与中国以浞水为界。

浞水，或谓即鸭绿江，或谓即大同江。金泽荣断为大同江，谓秦之外徼，当及于浞水以东；汉水界，止于浞水以西。

箕氏疆域，盖甚隘矣。箕準迫于卫满，南奔马韩（今全罗道）。史虽称其自立为韩王，

《后汉书》：“朝鲜箕準为卫满所破，乃将其余众数千人，走入海，

攻马韩，破之，自立为韩王。”

其所抚有者，当尚不迫今日一道之地。然传世至新莽时始绝，盖箕子之遗泽孔长耳。

第二章 卫氏之兴亡

继箕氏而有朝鲜者，为卫氏。《史记》、《汉书》《朝鲜传》，皆纪卫氏事。鱼豢《魏略》，记卫满得国事尤详。

《史记·朝鲜列传》：“朝鲜王满者，故燕人也。燕王卢绾反入匈奴，满亡命，聚党千余人，魑结夷服，而东走出塞，渡溟，居秦故空地上下障。稍役属真番、朝鲜蛮夷及故燕、齐亡命者王之，都王险。会孝惠、高后时天下初定，辽东太守即约满为外臣，保塞外蛮夷无使盗边。诸蛮夷君长欲入见天子，勿得禁止。以闻，上许之。以故满得以兵威财物侵略其旁小邑，真番、临屯皆来服属，方数千里。”

《魏略》：“陈、项起，天下乱。燕、齐、赵民愁苦，稍稍亡往準（箕準），準乃置之于西方。及汉以卢绾为燕王，朝鲜与燕界于溟水。及绾反入匈奴，燕人卫满亡命为胡服，东渡溟水，诣準降，说準求居西界，故中国亡命为朝鲜屏藩。準信宠之，拜以博士，赐以圭，封之百里，令守西边。满诱亡党，众稍多，乃诈遣人告準，言汉兵十道至，求入宿卫，遂还攻準。準与满战，不敌也。”

据《魏略》，陈、项时，吾国燕、齐、赵之民，亡入朝鲜者已甚多。据《史记》，满出塞时，又聚党千余人。是吾国民族移殖朝鲜者，凡二期。殷周之际为第一期，移殖五千人。秦汉之际为第二期，移殖之数当亦不下五千人。惟箕氏能开朝鲜文化，卫氏特一无赖，以诡诈得国。吾国以无赖开辟殖民地者，当以满为首矣。

卫满都王险城，或作王俭城，世多以平壤当之。金泽荣《韩国小史》谓

王险在今黄海京畿间，亦未能确指其地。史称卫满传子至孙右渠，而不详其子之名。盖卫氏时文史荒落，汉将之征朝鲜者，又不知搜考其图籍，故地望、世系未由详也。

《汉书·地理志》“险渎”注：“应劭曰：朝鲜王满都也依水险，故曰险渎。臣瓚曰：王险城在乐浪郡溟水之东，此自是险渎也。”（案：《汉志》乐浪郡属县二十五，无王险名。所谓在乐浪郡溟水之东者，瓚亦不能实指其地也。）

卫氏之亡，以袭杀汉使，故汉武发兵讨之。

《史记》：“传子至孙右渠，所诱汉亡人滋多，又未尝入见。真番旁众国欲上书见天子，又拥阏不通。元封二年，汉使涉何谯谕右渠，终不肯奉诏。何去至界上，临溟水，使御刺杀送何者朝鲜裨王长，即渡，驰入塞。归报天子曰‘杀朝鲜将’。上……拜何为辽东东部都尉。朝鲜怨何，发兵袭攻，杀何。天子募罪人，击朝鲜。其秋，遣楼船将军杨仆从齐浮渤海，兵五万人，左将军荀彘出辽东，讨右渠。”

元封三年夏，朝鲜诸臣杀右渠以降。

《史记》：“元封三年夏，尼溪相参乃使人杀朝鲜王右渠来降。”

《韩国小史》：“癸酉夏四月，右渠之臣韩陶、王映等，相与谋杀右渠以降。汉初，右渠相历溪卿以事谏，右渠不听。历溪卿乃东之辰国以居，民随出居者二千余户。”（历溪卿当即尼溪相参。二书所云不同，盖韩史据《魏略》。）

而王险城未下，右渠子长为汉告谕其民，朝鲜始定。卫氏之王朝鲜，凡三世八十七年。长封为几侯，后以谋反格死（《史记》及《汉书·功臣侯表》）。

第三章 朝鲜诸部及汉之郡县

自周及汉之朝鲜国，未尝有今日朝鲜全境也。朝鲜一国之外，尚有若干部落。而吾国东北边徼之部落，亦尝迁徙于其境。比汉灭卫氏，则以郡县之制，统辖各部。而其南又有三韩，不属于汉郡。故研究朝鲜古史，当先知各部落之地望焉。

以《后汉书》、《三国志》等书考之，吾国之东，朝鲜之北，古有濊貊。

《逸周书·王会篇》有秽人，即濊貊也。

其东有挹娄及北沃沮，其南有高句骊，大抵皆东胡也。秽貊之人渐南徙，其地为北种族所据，号曰夫余。

《后汉书·东夷传》：“夫余国，在玄菟北千里，南与高句骊，东与挹娄，西与鲜卑接，北有弱水。地方二千里，本濊地也。”

《三国志·东夷传》：“夫余在长城之北，去玄菟千里。南与高句丽，东与挹娄，西与鲜卑接，北有弱水，方可二千里。……国有故城，名濊城。盖本濊貊之地，而夫余王其中。”

《满洲源流考》：“夫余在汉玄菟郡北。玄菟为今海城、盖平、复州。自开原以北千余里，皆夫余之境。”

高句骊则夫余别种也。

《后汉书》：“高句骊在辽东之东千里，南与朝鲜、濊貊，东与沃沮，北与夫余接，地方二千里。……东夷相传以为夫余别种，故言语法则多同。”

高句骊之东有东沃沮，其南有濊貊（即夫余之貊南迁者也）。此三部落，皆在朝鲜境内。

《后汉书》：“东沃沮在高句骊盖马大山之东，东滨大海，北与挹娄、夫余接，南与濊貊接。”“濊北与高句骊、沃沮，南与辰韩接，东穷大海，西至乐浪。濊及沃沮、句骊，本皆朝鲜之地也。”

别有真番、临屯二国，史不详其事实。盖朝鲜附近之部落，固甚多也。

《史记》：“真番、临屯，皆来服属。”《索隐》曰：“东夷小国，后以为郡。”

朝鲜南境，古有三韩。盖其国之土人，而杂有吾国之种族。

《后汉书》：“韩有三种，一曰马韩，二曰辰韩，三曰弁辰。马韩在西，有五十四国，其北与乐浪，南与倭接。辰韩在东，十有二国，其北与濊貊接。弁辰在辰韩之南，亦十有二国，其南亦与倭接。凡七十八国，……大者万余户，小者数千家，各在山海间。地合方四千余里，东西以海为限。……其诸国王先，皆是马韩种人焉。”“辰韩，耆老自言秦之亡人，避苦役适韩国，马韩割东界地与之。其名国为邦，王为弧，贼为寇，行酒为行觞，相呼为徙，有似秦语。故或名之为秦韩。”

其名为韩，或谓沿箕氏之称。

《韩国小史》：“朝鲜侯，中国或称为韩侯者。古时朝鲜人，自称韩国。韩，方言大也。”又曰：“《诗·韩奕》：‘溥彼韩城，燕师所完。王锡韩侯，其追其貊。’王符《潜夫论》云：‘昔周宣王时有韩侯，其国近燕。后为卫满所伐，迁居海中。’王应麟、顾炎武皆题其说。然则韩侯岂非箕氏欤。”

或谓即君长之义。

《满洲源流考》：“三韩命名，史第列马韩、辰韩、弁韩，而不详所

以称‘韩’之义。满洲语及蒙古语皆谓君长为汗，韩与汗音相混。史载三韩各数十国，意当时必有三汗分统之。史家不知汗之为君，至讹韩为族姓，何异扣盘扞钥以喻日哉！”

然史称三韩各有长帅，大者自名为臣智，知韩为地名而非汗矣。

汉武帝时，濊人内属，尝置苍海郡。

《汉书·武帝本纪》：“元朔元年，……东夷濊君南闾等口二十八万人降，为苍海郡。”

《后汉书·东夷传》：“元朔元年，濊君南闾等畔右渠，率二十八万口诣辽东内属。武帝以其地为苍海郡，数年乃罢。”

及平朝鲜，遂置乐浪、临屯、玄菟、真番四郡。

《韩国小史》：“汉既定朝鲜，分为四郡。一曰乐浪（丁氏云：今平安、黄海二道地），治朝鲜县（今平壤）。一曰临屯（丁氏云：今汉水以北），治东旆县（未详）。一曰玄菟（丁氏云：今咸镜道南地），治沃沮城（今咸兴）。一曰真番（盖鸭绿南及江北宁古塔近地），治靺鞨县（未详）。”

昭帝时，复并为二郡。

《后汉书·东夷传》：“昭帝始元五年，罢临屯、真番，以并乐浪、玄菟。玄菟复徙居句骊。自单单大岭以东，沃沮、濊貊悉属乐浪。”

北方诸部，盖多属于汉郡矣。其后汉以乐浪境土广远，分岭东置都尉部二。一曰东部，治不耐（今永兴）。一曰南部，治昭明（在今春川昭阳江近地）。《后汉书》仅云：“分领东七县，置乐浪东部都尉。”此据《韩国小史》。而韩人亦遥属乐浪郡焉。

《后汉书·东夷传》：“建武二十年，韩人廉斯人苏马谔等诣乐浪贡

献。光武封苏马谔为汉廉斯邑君，使属乐浪郡，四时朝谒。”

汉之置郡部，仅取羁縻属地之法。故原有之部落，仍杂置王侯。

《后汉书》：“夫余……王葬用玉匣，汉朝常豫以玉匣付玄菟郡。”又曰：“王莽令严尤击句骊，更名高句骊王为下句骊侯。”是诸部仍有侯王也。

东汉光武初罢都尉官，封沃沮等地渠帅为侯。益可见其无远略。

《后汉书》：“建武六年，省都尉官，遂弃领东地，悉封其渠帅为县侯，皆岁时朝贺。”

然以累世积威，至魏、晋之世，犹能越海而领其地，视后之画疆自守者远矣。

《魏志》：“桓、灵之末，韩濊强盛，郡县不能制，民多流入韩国。建安中，公孙康分屯有县以南荒地，为带方郡，遣公孙模、张敞等收集遗民，兴兵伐韩濊，旧民稍出。是后，倭、韩遂属带方。景初中，明帝密遣带方太守刘昕、乐浪太守鲜于嗣越海定二郡，诸韩国臣智加赐邑君印绶，其次与邑长。……部从事吴林以乐浪本统韩国，分割辰韩八国以与乐浪。吏译转有异同，臣智激韩忿，攻带方郡崎离营。时太守弓遵、乐浪太守刘茂，兴兵伐之。遵战死，二郡遂灭韩。”

附汉晋地志表

前汉志		后汉志		晋志	
玄菟郡	高句骊	玄菟郡（其高显、候城、辽阳三县，故属辽东郡。）	高句骊	玄菟郡（高显、望平二县，汉皆属辽东。）	高句骊
	上殷台		上殷台		
	西盖马		西盖马		
乐浪郡	朝鲜	乐浪郡	朝鲜	乐浪郡	朝鲜
	誦邯		誦邯		

续表

前汉志		后汉志		晋志	
乐浪郡	溟水	乐浪郡	溟水	乐浪郡	
	含资		含资		○含资
	黏蝉		占蝉		
	遂城		遂城		遂城
	增地		增地		
	带方		带方		带方郡（凡乐浪分属带方者， 为圈以识。）
	驷望		驷望		驷望
	海冥		海冥		○海冥
	列口		列口		○列口
	长岑		长岑		○长岑
	屯有		屯有		屯有
	昭明		昭明		
	镂方		镂方		镂方
	提奚		提奚		○提奚
	浑弥		浑弥		浑弥
	吞列		乐都		南新
	东旼				
	不而				
	蠹台				
	华丽				
	邪头昧				
	前莫				
	夫租				
			乐都		
					南新

	前汉志	后汉志	晋志
玄菟郡	户四五〇〇六	户一五九四	户三二〇
	口二二一八四五	口四三一六三	
乐浪郡	户六二八一二	户六一四九二	户三七〇
	口四〇六七四八	口二五七〇五〇	带方郡户四九〇八